

खाकी
अ'न्ना
रौली

सदा
सेक
भत्त

पशाकां
बुत्ता
कौल्ला

आप-मुहारा
नराली
सूहा

1. अंदरें लाल ते बाहरें खाकी,
पांदी सदा पशाकां दो।
भन्नी खान स्यालै उसगी,
भला बुज्झोओ केह ऐ ओह ॥
2. इक पखेरू आप-मुहारा,
नांऽ ऐ जिसदा धन्ना।
न्हैरा पौंदे खु'लदियां अक्खीं,
दिन चढ़दे फही अ'न्ना ॥
3. बुज्झो कोहकी चीज ऐ, जेहकी-
सेकै कन्नै ढलदी।
पानी आंगर तोपा-तोपा
बगदी, जेल्लै बलदी ॥

4. सिरै दे भार टंगोए दा रौंहदा,
दिक्खो उसदा बुत्ता।
सोहे दी ब्हारा नच्चै-खेढै,
र'वै स्यालै सुत्ता ॥

5. चुन्नी शाह् दी हट्टी दिक्खी,
चीज नराली आई।
अगग छ्होंदे गै उडुरी नस्सी,
गासा रौली पाई ॥

6. चिट्टा भत्त ते कौल्ला सूहा,
खाना तौलै-तौलै।
बुज्झो हां, एह् केह्ड़ा पदार्थ,
खाना जो सनें कौल्लै ॥

7. कमरे अंदर कमरा निक्का
साग सब्जियें आह्ला।
बाहरें धुप्प कड़कदी किन्नी,
अंदर भर स्याला ॥

अभ्यास

1. हेठ दित्ते दे सुआलें दे जवाब लिखो :-
(क) लाल ते खाकी दौं पशाकां केहड़ियां न?

(ख) “स्यालै सुत्ता रौह्दा” आखने दा केह भाव ऐ?

(ग) “खाना तौलै-तौलै की आखे दा ऐ?

उद्देश्य : विशे-ज्ञान दा विकास।

2. खाल्ली थाहर पुर करो :-

अंदरें लाल ते बाहरें खाकी

पांदी

भन्नी खान

भला

चुन्नी शाह

चीज

अगग

गासा

उद्देश्य : स्मरण-शक्ति दा विकास।

3. हेठ दित्ते दे शब्दें दे वाक्य बनाओ :-

लाल, स्याला, पखेरू, अ'न्ना, चीज

उद्देश्य : वाक्य-रचना दा अभ्यास।

4. श्रुतलेख :-

पशाकां, बुज्झेआ, आप-मुहारा,

बुत्ता, कड़कदी, स्याला

उद्देश्य : सुनियै स्हेई लिखने दा अभ्यास।

फलौहनियें दे हल :- 1. मुंगफली 2. उल्लू 3. मोमबत्ती 4. पक्खा
5. हवाई पटाखा 6. आईसक्रीम 7. फ्रिज